


嘉靖邵武府志

五



邵武府志目錄

第一卷

天文

星野

有圖

應候

雜占附

第二卷

地理

山川

有圖

巖峯嶺嶽嶂洞石坪
溪潭洲灘池物產附

形勢

勝景附

風俗

王制

建置沿革

有表

封域

有圖都保里至附

城池

街市附

第三卷

倉庫藥局附

制宇

第四卷

秩官

有表

第五卷

版籍

戶口
土田
賦
役
貢

第六卷

水利

泉
祭
源
陂
塘
井
坑
圳
埂

津梁

第七卷

學校

小學附

第八卷

選舉

有表

第九卷

宮室

精舍 書院 堂樓臺亭軒閣
使院 隱居 宮苑廳祠坊

第十卷

祀典

專祀義祀附

兵防

屯田民兵關隘寨附

第十一卷

人物

李忠定公世家

何李二氏世家

第十二卷

名宦

宦蹟附

第十三卷

鄉賢

名人附

第十四卷

孝義

貞女

隱士

僑寓

第十五卷

外志

奸佞

寺觀

庵院仙釋雜祠附

讓志邵武無亦科條舊貫非所謂作乃若舉凡立義則亦竊取之矣惟天始萬物故首之以天文其目爲星野爲應候地載神氣故次之以地理其目爲山川爲形勢爲風俗惟王贊助參配天地故次之以王制其目爲建置爲封域爲城池爲制宇爲秩官爲版籍爲水利爲津

梁爲學校爲選舉爲宮室爲祀典爲兵防庶幾乎不廢
三才之理以定綱維天以生氣地以成質王以惇化然
後人道立乃繼之以人物忠義正學章著繫社稷匡世
範民作忠定何李二世家篤信善道不失已因時著名
立業於家邦作名宦鄉賢孝義貞女隱士僑寓六列傳
物情不齊易十翼終雜卦書終秦誓而以外志終焉凡
五類三圖三表二十八篇

邵武府志目錄

邵武府志卷之十

祀典

專祀義祀附

敘曰邵陽千百侯封民神攸寄幽明意氣分乎一運也誠之所至爲神神之所依爲主異業同敬揖讓而國治矣故志祀典

先師廟漢以下夫子爵號代異所稱祭皆釋奠

明興監於古昔尊夫子以王爵禮樂視周上公配享諸賢自顏子而下儀章以封爵爲差洪武十五年

詔天下通祀孔子頒釋奠儀于諸學二十六年頒大成樂

于天下府學令州縣如式制造成化十二年祭酒周洪謨請增籩豆至十二侑用八今

天子以加爵號非所以尊夫子去其彌文只稱先師孔子配享諸賢皆以其姓而稱子樂舞禮器降用有差故籩豆皆十二今籩豆八故舞八侑今舞以羽籥六侑焉歲春秋二仲月上丁日舉行釋奠之禮牲少牢樂登歌幣用素皆循故典具見大明會典學憲周孟中儀譜尤詳嘉靖二十二年守邢址修建廟學視諸禮樂器剋敝弗敬增制造焉

故銅爵四今增二十故錫爵四十今增六十
一故錫爐九今增四十九故簠簋二十八今

增六十四故燭臺二十一今增九十八故釧二十五今
增一故勺七今增四故尊四今增二故篚九今增一故
方槃四十今增四十故鍋二今增六凡五百三十五事
舊祝板一銅爐一銅花瓶一鐘磬皆十有二籩豆皆二
百俾一紅幔四鼓幔一旛一旌一祝一瑟二琴六洗三
拊鼓二籠二香卓十舞衣三十六凡四百九十七事新
勺五懸一簫笛皆四毛血槃十三方槃百有五槃架四
銅禁四雉尾三十六紅燈十二棹八箱一秤二凡一百
九十九事附錄編修張元禎禮樂記畧禮之器故登一
銅三今第一登二銅故籩十豆十今籩豆第八故簠簋
各二今亦二故五齊三酒二水尊二十有四勺者八不
勺者十六今第一勺者一酒三尊故七體俎二腥熟俎復
六今第二俎故槃毛血二籩豆間今先瘞以降神不槃
故南二俎三站站三爵今三爵第前三羹徑寘站不用
故配享各祝文一今統之尊第祝文一樂之器鐘磬數
堵故十有六十二正聲四清聲純用今堵亦十六而第
用黃鍾大簇應鍾仲呂南呂林鍾黃鍾清六聲琴故十
一三五七九絃各二今第六絃七絃者六或六俱七絃

者故絲竹下六音俱依鐘磬用十六聲純今亦鐘磬聲
依第用六故樂無舞今舞以羽籥六佾焉故分獻樂各
殊章今亦統之尊弗制配享故羊一豕一各帛一登
銅簠簋殺先聖各一俎殺而二邊豆殺而四今數俱
與故一第邊豆各殺而六十拊從祀故東西各羊豕一
幣登銅無邊豆各殺而二簋二簠無今十拊東西豕各
一幣共一從祀東西同十拊各銅一從祀無銅十拊邊
豆殺而四從祀殺而二十拊簠簋與從祀俱殺而一茲
皆器數末節之有損益者大者無損益凡以同崇極於
百王小者有損益備以貴多儀孰與簡以致精誠寔維
先聖從先進嘉仲

由之初意與

邵武縣舊從省隨祭于府泮宮弘治十

八年訓導周流芳何欽謂縣固專治而聖師廟貌空存
神位虛設乃惜小費懼非盡誠報本之義議以次丁日
卽學宮行釋菜禮令姜桂守夏英聞而是之別造祭器

皆釋奠焉嘉靖二十二年守邢址新易廟學增置諸器
故銅爐一大小鐵爐皆一今增磁爐十故磁邊豆共二
百四十今增一百四十四新銅爵二十錫爵八十二磁
簠簋九十二磁尊二牲盒二錫羹碗十紅燈八燭
臺三十祝板架一大小牲槃五十九凡七百三事光澤
泰寧建寧三邑儀註同樂不備

啓聖祠歲春秋二仲先丁一日行釋菜禮加特牲酒三獻

屬邑四學同

愚按先丁一日行禮亦可聞有同日舉行者義恐未安嘗聞之師曰啓聖之祀推本

追崇後時則非所以明親親於聖門同日則非所以致誠敬於夫子分誠奪敬非祭義也宜以先丁三日行禮

日在散齋致齋之間又古以天干爲母日甲爲天干之首上丁近朔則朔日行禮朔日惟丁則同日酌行於義

尤當

社稷壇在郡西北舊儒學故址宋置平城西北隅元徙置

于西塔山之巔上官文子有記

畧曰社爲天下之通祀農爲天下之大本春秋

祈報嚴尊之至其可以世俗彛禮視之乎按郡乘昭武社稷壇舊在城西南禪山之頂政和中嘗移縣西紹興壬戌曾宰受端復其舊本朝初定江南隣寇未靖郡邑凋弊舊壇鞠爲榛莽初廖守邦傑初建郡社於城西北至是亦廢歲時行事守令始合祀於樵嵐門之右接竹剪蓬取具造次風雨震凌綿蕞特甚禮鮮克終而神亦不我格大德三年李侯被命來尹茲邑越明年太守將有祀於社稷俾縣治之李侯慨然以爲已任乃捐俸爲倡爰復故址而新之衆工効勞曉昏劬劬事以亟集治壇於中以石爲主者各一壇之前則亭之以爲行禮之次亭之北則廬之以爲受胙之位環以兩廡樹以衆木門焉以降神也庖焉以脩牲也薨棟輦飛丹雘相照經始於六月之甲子訖事於八月之社太守乃帥其屬以落之旅獻雍容牲醴豐潔視昔有加焉禮腆神歆歲則

大孰於是邦人以遷復分合之不常立碑以紀其事庶
幾侯之嘉績亦相與垂於無窮屬余爲之記異時舉其
工氏之祀登斯山也躋斯亭也顧瞻陵谷思前人興創
之勞稽古人制作之意其得不以世俗彝禮視之者此
碑亦不能無助焉

洪武十一年守張文昱變置今所封土爲壇

方二丈五尺高三尺四出陞各三級壇下前十二丈或
九丈五尺東西南各五丈埤垣爲墻四門紅油石主在
壇南正中去壇二尺五寸一壇二位左爲府社之神右
爲府稷之神歲春秋二仲月上戊日正官蒞祭

鄧武縣

官從祭入自北門其牲羊一豕一帛一用玄鉶一籩豆

皆四簋簋皆二酒三獻有祝文有受胙有望瘞神廚庫

房在壇南齋房在壇東邵武縣從祭不爲壇光澤縣壇

在縣西

皇朝洪武九年因宋元舊址重建泰寧縣壇在縣西在城保
宋元舊址洪武二年令陳撫重建建寧縣壇在縣北門
外一里宋元在縣西慶豐門外洪武十一年令畢原徙
置今所祭日儀節皆同惟牌題曰縣社縣稷之神不
同爾

山川壇在郡城西南丹臺山之東元在行春門外洪武二
年移于郡西南壽山之麓十一年守張文昱移置今所

坐子向午高二尺五寸方二丈五寸四出陛午五級餘
皆三級一壇三位中爲風雲雷雨之神左爲境內山川
之神右爲城隍之神皆南向歲春秋二仲上旬卜祭皆
正官蒞事帛用素凡七段望燎不望瘞餘儀註與社稷
同邵武縣官從祭不爲壇嘉靖十三年令曹察增構齋
房五楹于壇西光澤縣壇在縣治南一都洪武九年置
弘治二年令劉俊重修四門泰寧縣壇在縣治南迎恩
亭前洪武二年置建寧縣壇在縣治南在城保洪武七

年令畢原置于水南靈應廟故址十二年移置今所儀